

جیو فافو لیترا محمدی

حقوق اقتصادیات

ایکی آمدہ بر سر اول نور

منہ رحمت

قسم مضوق :

قضا صلاحیتك شخص وموقع اعتباریله تابع اولدیقى تجدیدات [جیل]
 میراث ونفقہ ولی ووصیلرہ اذن اعطاسی خصوصندہ صلاحیتدار اولان محکمہ . . . [رشید]
 فرانسه حقوق مدنہ سندہ علت نظریہ سی [صدیق سامی]

قسم اقتصادی :

استقراض و دیون عمومیہ [مابعد] [عینی زادہ حسن تحسین]

وثنائى قسمی :

واجبات قومیسونی ضبطنامہ لری

حقوق مؤسسه سی تاریخی [ماردینی زاده ابوالعلا]

استانبول - مطبعة عامره

۱۳۴۰ - ۱۳۴۳

قضائی معافیتدن استفاده ایدن دیپلوماسی مأمورین

۱ دیپلوماسی امتیاز و معافیتلرینک جزائی قضا معافیتنه تعلق ایدن قسمندن الی باشد عنوانی و درجه سی نه اولورسه اولسون دیپلوماسی بر وظیفه ایله مکلف اولان هیئتک ریاستنده بولنان ذات استفاده ایدر . بونک علی العاده ویا فوق العاده بر ایلی ویا مصلحتگذار بولنسی بو باده حائز تاثیر اولمادیکی کی (۱) اصولی دائره سنده تعیین ایدلش اولوب اولمادیکی ، قضیه سنی ده محاکمک تدقیقه صلاحیتی یوقدر . محکمه نك منسوب اولدینی دولتجه انک او صفتله قبول ایدلش اولماسی معافیتدن استفاده سنی تأمین کفایت ایدر . بوندن ایلریسنه کیمک تفریق قوا قاعده سنی ییقمق ، اجرا قدرتنک صلاحیتنه محکمه لرحه تجاوز ایدلک دیمکدر . یالکیز ، ایفا ایدیلن وظیفه نك معافیتی تضمن ایدوب ایتمدیکنی تدقیق ایتک جهتی محاکمک صلاحیتنه داخل اولایلیر .

(۱) معلوم اولدینی اوزره ایلیچلرک بویوک ایلیچی اورنه ایلیچی مقیم ایلیچی و مصلحتگذار دیه درده تقسیمی عمومیتله قبول ایدلشدور . بویوک ایلیچلرک بی سود وفضله مصرفی مؤدی اولسنه مبنی لغوی حقنده فرانسه ده ایکنجی جمهوریت اعلان ایدلدیکی زمان خارجییه نظارتنده بولنان مشهور لامارینک حکومت اختلالیه راپورله بیلدیردیکی نقطه نظرینی ، بزه بویوک ایلیچلک مسئله نك نزاکت کس ایدر کی کوروندیکی شو صروده نقل ایتکی فائده لی عد ایدیورم :

« جمهورى و انامى حكومتلر اجنبى دولترلرله دیپلوماسی مناسبتلرنده رتبه و عنوانلرک پارلاقلغنه ، تمشیک سوسنه ، برایلرده مقدمه محتاج دکلدرلر . خارجی مأمورلرینک نفوذ معنویى تمثیل ایتدکلری ملتك اسمنده در ، سوسلری ساده لکلرنده در ، درجه لری عنوانلرنده در ، شرف و حیثیتلری زدییه کوتدرلرکلری حكومتلره و ملتله کوستردکلری و آلتردن نائل اولدقلری حرمتده در . فرانسه جمهوریتی خارجی تمثیل نهجنى بو حسلره و بو میدألره ارجاعده استعجاللرک ایده مر . عنوانلرک و مأمورلرک یکنسق صورتده ساده لشدیرلسی جمهورى ماهیتك هم رعلامت میزه سیدر ، هم ده دیپلوماسی مراتبك بویوكك و بی لزوم درجه سنه مخصوص معاشك تنزیلی صورتله اقتصادى بر تدیردر . خارجده کی مأمورلرک درت درجه ده کی وظیفه لری ایچون وضع ، واضح ، افاده لی محدود مقدارده .

پراڭى قودىدەره بر دولتىڭ خارچىدە بولدىرىدىغى مامورىنىڭ انواعى اون برە چىقارپور:

۱ بر دولتى دىكر بر دولت تزدندە صورت دائىمە تىمىل وظيفەسىلە مكلف اولان

اصل دىپلوماسى مامورلىرى ،

۲ اصل دىپلوماسى مامورلىرىنىڭ وظيفەسىنى ايضا ايتىك اوزرە صورت دائىمە كوندريش اولمايۇب بر قونغرە وياقونفرانسدە مملكتى تىمىل ومذا كراتە اشتراك ايتىك كىي

مخصوص بر دىپلوماسى وظيفە ايله مكلف اولانلر ،

۳ بر دولتە معذرت عرض ايتىك كىي خصوصى فقط سياسى ماهيتى حائز بر وظيفە ايله مكلف بولغانلر ،

۴ سياسى ماهيتى حائز اولمايۇب دها زيادە تاج كىيە ، اولنە ، جنازە مراسىمدە

ويا بعض يىل دولتىرندە بر مملكتى تىمىل وظيفەسى ايله صورت فوق العادەدە كوندريلنلر ،

۵ حكومتلىرىنە متعلق آرزوق دائىمى بروظيفە ايله دىكر دولت تزدندە بولنان سياسى

مامورلر ، (نىم حاكىمىت حالندە بولنان بر دولتىڭ اجنى دولتىر تزدىنە كوندرمىكە مآذون اولدىغى

ويا متبوعى تزدىنە كندىسنى تىمىل ايچون كوندردىكى مامورلر وكذلك فعلى بر حكومتك ويا

محارب صفتى احراز ايتىش عصاتك كوندردىكلىرى مامورلر بوقىلدندىر .)

۶ سىروسفرىدە ، شىمندوفرلردە ، پوستە وتلغراف ايشلىرى كىي سياسى ماهيتدە دكل

ادارى فى اقتصادى ماهيتدە مصالح ويا مازدا كراتدە حكومتلىرىنى تىمىل ايله مكلف مامورلىرى

ويا قومىسرلر ،

عنوانلر: ايشتە دىپلوماسىمىزى تسجە ايچون لازم اولان ، بوندىن عبارتدۇر. اقتصاد ايچون ددە ، كافى فقط

انجاق احتياجات وايچا بانه تقابل ايدە بىلەك معاش . شوقدر كە خلق حكومتى تصرفى دور اولنە برابرىچانى

خدمتى قبول ايدەمىز چونكە بوقدردىدە جمهوريتك الكىياسى اولان خدماتى تروت اشراقك الحصارىنە

وبرەش اولور . جمهوريت خارچىدە درجە صنعت وتروت فرقى اولمىقىزىن آنى تشخيصە لايىق واوكا

خدمتە اهل اولان هر وطنداش طرفندىن تىمىل ايدىك ايسىتە مەلدەدر . ددەمقراتىك بر ادارەدە

هرمىك هر كە آجىقدۇر . بىنە عليه جمهوريت ايچون مىثانە آوروپائى بر معاهدەنى امضا ويا بوقونغرەدە

جمهوريتى تىمىل كىي دها عمومى ودها مصلطن برمايت وبرمك مناسب اولاجق مىثانە احوال خارچىدە

بويوك ايلچىك مرتبەسى لغوايدىلشدر . جمهوريتك خارجى مامورلىرى شوخالدە بعدما شولردىن غبارت

اولاجقدۇر : ۱ جمهوريت اورتە ايلچىلىرى ۲ مصلحتكندارلر ۳ سفارت كاتلىرى ۴ دىپلوماسى ملازملرى .

قط بوتىكبلات موقت اولدى وتاپولونك رىياست جمهورە ارتقاسندىن آرزو كرا تىكرار اسكى

اصولە رجوع اولدى .

۷ قونسولسلر ،

۸ ایکی ویا زیاده حکومت اراسنده تحدت ایتیش براختلافی تدقیق وظیفه سیله مکلف محتاط قومیسونلر اعضایی ،

۹ بین الملل دائمی محتاط قومیسونلر اعضایی (طونه قومیسونی ، رن قومیسونی ، بو کونکی بوغازلر قومیسونی کی) .

۱۰ وظیفه لری حکومتارجه مکتوم طوتولیش اولان خفی مامورلر ،

۱۱ صورت محرمانه ده اعزام ایدلش مأمورین . بونلرک مأموریتی و وظیفه لری حکومتارجه اعزام ایدلکلری دولته قارشئ مکتوم طوتولماشدر فقط مذاکره سنه مأمور ایدلکلری محرم واهمیتی مسئله ایجاب ایتدیرمدکجه بوصفتی بیانه بونلره مأذونیت ویا اساساً بویله برصلاحیت ویرلمه مشدر .

بومأمورلردن هانکیلرینک قضا معافیتدن استفاده ایده بیله جکنی تعیین امرنده قسطاس اولق اوزره وضع اولنه بیله جک شی ، دیپلوماسی بر وظیفه ده صفت تمثیلیه یی حائز اولق کیفیتدر وبوسبیله معافیت قضائی اصل برنجی وایکنجی نوعدن اولانلره خاص بولمقده در . صفت تمثیلیه دیپلوماسی مأمورلرک ایفاسیله مکلف بولندقلری ملی مصالحده حکومتلرینی طوغریدن طوغری یه تمثیل ایتلری دیمک اولدیغندن مصاحت ملته دکلده رئیس دولتک شخصنه عائد اولدیغی تقدیرده بونی تقدیر ایچون کوندریان مأمور دیپلوماسی مأمورده اولسه بومعافیتدن استفاده ایده میه جکی کی دیپلوماسی بر وظیفه دن (۱) غریده ومثلاً تجاری صنایع و مالی بر وظیفه ده دولتی تمثیلده بو معافیتدن استفاده یی ایجاب ایتمز . ۱۸۶۷ پارس مشهر عمومیسنده انکلز هیئت بویله بر معافیت اداسنده بولندی . محامی هیئتک انکلتره حکومتی فرانسه ده موقتاً تمثیل ایچون ترخیص ایدلش اولدیغی ، بونک ریاستنده ولی عهدک بولندیغی ایلچی وایلیچلری احتوا ایتدیکنی اجنبی هیئتلرک حکومتلرینی تمثیل ایتمی اعتباریله ، دیپلوماسی مصونیتک کندیلرینی حمایه ایتدیکنی وبناء

[۱] بورادن بروظیفه رسمیه ایله مختلف مملکتلره کوندریان عسکری هیئتمزه بر دیپلوماتک پاپورط ویرلش اولقله برابر بونلرک اساساً دیپلومات اولاملری وبر وظیفه تمثیلیه ایفاسیله مکلف بولناملری اعتباریله معافیت قضائی کندیلرینه بالطبع طاننه ماز . یانکن اراضیسنده بولندقلری دولتلرک اولجه موافقتی لاحق اولمش اولسنه نظراً اودولتلرک مسافری کی مظهر احترام و تسهیلات اولملری ایجاب ایدر . بر دیپلوماتیک پاپورطی ایله اجنبی طور اقلرده سیاحتده بولان ذواتک عموماً معامله ده مظهر نزاکت اولمقدن غیری بو پاپورطه ابتناء هیچ بر امتیاز و معافیتدن استفاده لری یوقدر .

علیہ کندی مملکتوں پرندہ اولد قلیغی ادعا ایتش ایدیسده سن حقوق محکمہ سی بونقطہ نظری
۱۸۶۸ تاریخده کی حکمنده رد ابله مشدر (۱) .

کذلک فرانسه محکمہ تمیزندن صادر اولان ۲۷ نیسان ۱۹۱۸ تاریخلی قرارده روس
تجارت وکالتی مرخصنک مأموریتی ، کندیسنه اصولاً ترخیص ایدلمش مصلحتکنذارلرک
استفاده ایتدکاری دیپلوماسی معافیتلرینی بخش ایتکه مساعد بولنادینی تصریح ایدلمشدر .
اخیراً روسیه ایلہ آلمانیا آرسندہ روس تجارت هیئتک امتیازینه عدم رعایتدن حاد
پراختلاف تولد ایتدی . روس تجارت هیئتک رسمی برهیئت اولنله برابر دیپلوماسی مصالحده
صفت تمثیلیه نی حائر اولماسی اعتباریلہ المانیا بونی صراحة قبول ایتدکجه قضا معافیتندن
استفاده لری حقوق دولہ کوره ادعا اولنله ماز . المانیانک یالکز بونلرک صفت رسمیه لری
قبول ایتسی کافی دکلدر . بونهایت مصونیت امتیازندن استفاده لری تأمین ایدہ بیلیر . کرچه
روسیهده تجارت دولت انحصارنده بولندیغی جهتہ روس تجارت هیئتلرینک اجنبی مملکتلرده
بروظیفہ رسمیه ایلہ بولندقلرنده شبهه ایدیلہ مز ایدہده بو دیپلوماسی بر وظیفہ اولمامقلہ
برابر . لئک تجارت ایلہ اشتغال ایتسی حالده حاکمیتک ایجاباتندن اولان معافیت قضائیہ نی
ادعا ایتهمسی دہ اکثریا قبول ایدلمکده نلنسنہ کوره محاکمہ حللیہ نک بونلرہ عائد مسائلده کندیلرینی
صلاحیتدار کورملری احکام عمومیه یه موافق دوشر . انکلترونک بو دفعہ روس استلافده
صراحه قبول ایتدیکی وجهلہ بردولت بونی صراحة قبول ایتش ایسه بالطبع بوکا بر شی
دینہ مز (۲) . نتہ کم بین الملل قواعد ایلہ بو معافیت دیپلوماسی بروظیفہده تمثیل صفتنی حائر اولمان
بعض هیئتله بخش ایدلمشدر : لاهی حکم محکمہ دائمہ سی اعضالری (ایفای وظیفہ ایتدکاری
مملکتده واوملکت تبعہ سندن اولاملری شرطیلہ) عین صورتده بین الملل عدالت محکمہ سی
اعضاسی ، جمعیت اقوامده کی دولتلر مثللری ومأمورینی .

دیپلوماسی وظیفہ ایلہ مکلف اولان ذاتک عنواننک قضا معافیتندن استفاده امرنده هیچ
برقائیری اولمادیغنی یوقاریده ذکر ایتش ایدم . بونی تأیید ایچون فرانسه محکمہ تمیزینک

[۱] ربوہ حقوق دول مبدلری صحیفہ ۵۶۳

[۲] انکلترونہ ایلہ سوویتلر اراستده بوکرہ عقد اولنان ایکنجی معاهدہ نک ایکنجی ماده سی تجاری
هیئت مرخصہ بوروسنک وآتیا ائتلاف ایدیلہ بیلہجک سائر بوقیل بورولرلرک سوویت سفارتنک
اقسامندن بولندیغنی قبول ایتکدهدر . بو روسیه الکزیاده مظهر مساعده ملت معامله سنی بخش ایدہجک
دولتلر ایچون بالخاصہ نظر اعتقادہ بولندیلری لازم کلن مهم بر نقطہدر .

برقراری نقل ایلیه حکم . وقتیه جون داویدسون انکلتزه حکومتی طرفندن لیورپولدن مورلویه اسیر ایصالنه مأمور ایدلمش ایدی . کمرک مأمورلری کی داخلنده تحریاته بولنه رق بعض اشیای تجاریه مصادره ایتدیلر صلح حاکمی ده جون داویدسون علیهنده توقیف مذکره سی اصدار ایله دی . تمیز محکمه سی جون داویدسونک انکلتزه حکومتی طرفندن مکالمه مأموری صفتیه کوندلرلمش بولنسنه مبنی مذکور مذکره حق دوله و انقلابک ایکنجی سنه سی قانوننه مغایر اولدیغندن بحثله الغاسنه قرار ویردی و صلح حاکمی علیهنده بوتوقیف مذکره سی ایله کیفی توقیف جرمندن طولانی تعقیبات اجرانی قبول ایتدی .

۲ — افراد عائله — دیپلوماسی بر وظیفه ایله مکلف اولق اعتباریه قضامعافیتندن استفاده ایدن ذاتک زوجیه سی و افراد عائله سی ده کندیسيله برابر مقیم بولنق شرطیه بو معافیتدن مستفیددر . رابطه قرابتی و صهریتی اولدجه کنیش بر معناده آلق لازمدر . بوبابده قسطاس درجه قرابتده قرابت دکل عین بناده اقامتدر . نته کیم حقوق دول انستیتوسی قامریج اجتماعنده قبول ایتدیکی نظامنامه لایحه سنده افراد عائله یی مطلق اولارق ذکر ایش و یالکیز « کندیلریله مقیم » قیدیه تقید ایله مشدر .

موریس تراورس فرانسه موضوعات قانونیه سنک بو صورت حله مساعد اولمادیقی مطالعه سنده بولنیور . فی الحقیقه برنجی مقاله ده ذکر ایتدیکم ایکنجی اختلال سنه سی قرارنامه سی احکام عمومیه دن استثناء صورتیه انجاق ایلچیلرک شخصلری دریش ایدیور . موریس تراورس بو قرارنامه نک عنعنیه مبنی ده واسع صورتده تفسیر ایدلسنه قارشی بوبابده تعامل تأسیسنه کافی امثالی بولندیغندن شبهه ایتدیکی کی کافی امثال بولنسه ده صراحت نصیه قارشیسنده نظر اعتباره اله مامسی لازم کله جکی قناعتنده بولنیور و بونک ذاتاً مبادیه موافق اولدیغنی و چونکه سفارت هیئته منسوب ارکان عائله نک هیچ بر خدمت تمثیلهری بولمادیغنی ، اجنبی بردولت نامنه سوز سویلیه مدکلرینی ، کندیلرینه تأمین استقلال ایجاب ایدن هیچ بر خدمت رسمیه لری بولمادیغنی ، آنلره تعلق ایدن بر حرکتک دولترینک حیثته خلل ایراث ایتدیکنی ادعا ایلیه میه جکلرینی بیان ایدیور .

قضا معافیتی لزوم و ضرورته بناء بخش ایدلمش بر امتیاز اولق اعتباریه تفسیرنده توسیعی صورتده دکل ، بوتون استثنائی احکام کی ، تحدیدی صورتده حرکتک احکام عمومیه ایجاباتندن اولدیغنی مسلم اولقله برابر بو خصوصده موریس تراورسک وده پانیه نک

ملاحظہ فرمائیں اشتراک ایدہ میہ حکم . بر کرہ فرانسدہ قودسیویک تنظیمی اثناسندہ قرارنامہ
یرینہ اقامہ ایدیک ایستہ نیلن مادہ افراد عائلیہ دہ بو میانہ ذکر ایتش و بودہ فرانسز
مؤلفرینک و محکمہ لرینک اکثریتنجه و بلکه عمومیتہ قبول ایدیلن فکرہ و تمایله موافق
بولنشد . کذلک او مقالہ دہ ذکر ایتدیکم المان قانونی افراد عائلیہ بو میانہ تصریحاً
استثنا ایلمشد . بین الدول ساحدہ بو سببہ قطعی بر تعامل مؤسسدر . نتہ کم تراورس دہ
بونی قید ایلمکدہ در . فی الحقیقہ افراد عائلیہ کنڈیلرینہ معافیت طائمنسی ایجاب ایدن
بر صفت تمثیلہ لری یوقدر ، فقط کنڈیسیلہ مقیم بولندقلری ذاتک صفت تمثیلہ سنک
بونلری دہ حمایہ ایتسی مادام کہ عموماً قبول ایدیلشدہر ضعی بر مقالہ وار دیمکدر . بالذات
تجویز ایدلہ یں شی بالتبع تجویز اولنور .

برادیہ قوددہر قضائی جزا معافیتک سفیرلرک کنڈیلرلہ برابر یاشایان زوجہ لرینہ
چو جوقلرینہ و انا و بابالرینہ شامل اولدیغندہ هیچ شہبہ بولنمادیغنی ذکر ایدیور . و اتلک
دیدیکی کی . « بواشخاس ایلچیلرہ او قدر مر بوطدرلر کہ انلرک مقدراتنی تعقیب ایدرلر .
بونلر طوغریدن طوغری یہ انجاق آکا تابعدرلر و قضای محلیدن مستندارلر چونکہ آحق
یوقید ایلمدہر کہ اورادہ بولنقدہ درلر بونلری تحقیر ایلچی یی تحقیردر [۱] .

کذلک ژورژ فرہ دریق دومارتنس دیپلوماسی رہبرندہ « ایلچینک زوجہ سی و چو جوقلری
(اصل عائلیہ سی) انک معافیتلرینہ کنڈیلرینہ شخصاً خاص بر حقوقہ بناء دکل ، چونکہ
رسمائیت سفارتہ منسوب دکلدرلر ، فقط عادت ایلمہ مؤسس و ایلچینک امتیازلرینک
کنڈیسینہ یک یقین رابطہ لرلہ باغلی اولان اشخاصہ طبعی اولارق شامل اولسی اساسنہ
مستند بر مقالہ یہ بناء در کہ اشتراک ایدرلر . بو عین ملاحظہ یہ مبنی ایلچینک علی العادہ
اقرباسی کنڈیسینہ نہ درجہ یقین بولنورلر سہ بولنسونلر انلر اوزرنندہ ایلچینک قانونی هیچ
برسطہ سی اولمادیغنی حالده بونلر دیپلوماسی امتیازلرندن هیچ بر صورتلہ استفادہ ایلمہ مزلر .
دیور .

ایلچینک ارکان عائلیہ سنہ قضائی معافیتک بذاتہ دکل تبعاً طائمنش اولماسنک نتیجہ منطقیہ سی

[۱] ربویہ زوجہ نک ایلچی امتیاز و معافیتلرندن تمامیلہ حصہ دار اولدیغنی عمومیتہ قضائہ
چو جوقلرکدہ علی الخصوص ایلچی ایلمہ برابر و اتلک سلطۃ پدرانہ سی التددہ یاشادقلری احوالده
عین معافیتلردن استفادہ ایتدیکرینی فقط مملکتلر آراسندہ بو بایدہ برفرق بولندیغنی ایلچی ایلمہ
برجانی آلتندہ یاشایان برادر ہمشیرہ ابون و قاض پدر و والدہ حقندہ بویلمہ اولدیغنی فقط بونلردہ
قاعدہ نک مستقر اولمایوب اکثریا بونلرک غیر رسمی مأمورینہ قیاس ایدلہ یکنی ذکر ایدیور .

بونلرک برجرم ارتکاب ایتلری حالندہ ایلچینک بونلرک معافیتدن دولته بلا مراجعت صرفنظر ایدہ بیلہ سیدر. بونکله برابر اولجه ذکر ایتدیکم بروقه بو خصوصده دخی محاکمک بین الدول مناسباتک خللدن صیاتی ایچون یالکیز ایلچینک دکل دولتک موافقتی طلب ایدلمکده اولدیغی کوسترمکده در. فی الحقیقه بروکسده کی شیلی مصاحتکذارینک اوغلی وادیغتون سفارت کاتبی بالماسه دای قتل ایتدیکی زمان مصاحتکذار اوغلنک محاکمه ایدیلہ بیللمسی ایچون معافیت امتیازندن صرفنظر ایتدیکنی بیلدیرمش فقط بلجیقا حکومتی شیلینک موافقتی حقوقی شرط قیلش ایدی. بوضورتله معامله قاعدهیه بلکه موافق دوشیور. فقط دها عالی منفعتلر بوسیاسی طرز حرکتی معقول کوسترمکده اولدیغی کی المانیاده اولدیغی وجهله افراد عائله نیک معافیتی قانوناً مصرح بولنسی حالندہ ارتق مطلق اولدیغندن ایلچینک آندن صرفنظر ایدہ بیلہ سنهده بالطبع امکان قالماز. کیفیتک اصول جزائیہ مزک تعدیلندہ نظر دقته آله جغنی امید ایدرز.

۳. رسمی مأموریه. — جزائی قضا معافیتندن، اوچنجی اولارق، سفارت مأمورین رسمیه سی استفاده ایدرلر. بونده هیچ اختلاف یوقدر بو استفاده قاعدهیه دمه موافقدز. چونکه مأمورین رسمیه صفت تمثیلیه و عامه ایله متحلیلدرلر. ووظیفه لرینی لایققله ایفا ایلہ بیلملری ایچون محلی محکمه لرینه قارشی بونلرکده فرداً حائز استقلال بولمیلرینه لزوم واردر. ایلاچی یالکیز باشنه کندیسنه مودوع وظیفه یی ایفا ایدہ مز. دولته عائد اولان مصالحک تمثیتی هیئت سفارتک ایفای وظیفه ایتمسيله تأمین اولنه بیلہ جکندن او دولت نامنه درکه بونلرده مظهر معافیت اولورلر.

معافیت بومأمورلره ایلچینک معافیتک کندیلرینه شمولی اعتباریله دکل بذاته بخش ایدلمش اولمی اعتباریله ایلچینک بونلرک معافیتندن صرفنظر ایدہ بیللمسنه بالطبع مساع یوقدر. دولته بخش ایدلمش اولان بومعافیتدن انجاق دولتلریدرکه صرفنظر ایلہ بیلرلر.

مأموریه رسمیه کیملر در؟ هر دولتک سفارت تشکیلاتی خطوط عمومیه سنه دیکرارایله همان تام بر مشابہت عرض ایتمکه برابر (۱) بعضاً فرقده کوسترر. بو سبیلہ کیملرک (۱) بکون اولدیغی کی چارلق زماننده روسیه نیک تشکیلاتی دیگر دولتلرک سفارت تشکیلاتندن فرقلی ایدی. چارک فکرلرینی نقل ایتک وظیفه سی اوراده اکثریا یاورلرینه عسکری جنرالرده مودوع ایدی. چارروحاتی عسکری اداری بوتون قدرتلرک مرجعی اولدیغی جهتله معتاد تشکیلات خارجنده ده دیپلوماسی ایشیلہ اشتغال ایدنلر واردی.

سفیرک معیت رسمیه سی تشکیل ایتمیکی مسئلہ سی هر دولتک تشکیلاتنه کوره حل ایتمک
طوغرودر . بونکده الذابی یولی اکثر دولترک یادیغی کبی سفارت مأمورین رسمیه سنک
هر ایلمچی تبدلنده رسمی برلیسته سی ایسته مک وانلره اکا کوره معامله ایتمکی قبول ایله مکدر .
بونلرده واقع اولاجق تبدلات دخی ایلمچی طرفندن محلی حکومتہ بیلدیریلر . بونک بر فائده سی
وار : مأمورین رسمیه نک الی نہایہ چوغالمسی محلی حکومت قبول ایده میه جکسه بونی بیلدیرمکه
امکان اولور . وکندیملری ایچون رعایتی تأمین ایتمک اوزره بونلره هویت ورقه لری ویرلمسی
مؤدی اولور . سفارت مستشاری ، سفارت کاتبلری ، اتاشلر ، اتاشه میلترلر (۱) اتاشه ناواللر ،
اتاشه قومر سیاللر ، اوراق مأمورلری قوریملر سفارتلرده اکثریتلر کوریلن مأمورین رسمیه درلر .

مختلف فیہ اولان سفارت راهب لری وطیبیلریدر . بزده وقتیلہ سفارتلرک اماملری
واردی که بونلرده راهب منزله سنده ایديلر . بر قسم مؤلفلر بونلرک مأمورین رسمیه دن عد
ایدلمسی قبول ایتمک ایسته مزلر . فی الحقیقه بونلر ، کندیملرنده بر صفت تمثیلیه موجود اولیان
مأموریندن درلر و دیپلومات اولماملری اعتباریلہ نائل معافیت اولملرینی توجیه ایده بیلیمک
نظری اولارق بلکه مشکلدر . نته کیم موريس تراورس ده بونلرک سفارته رسماً مربوط
اولملری حالده دخی برکونه دیپلوماسی صفت و وظیفه لری اولماسندن طولانی نائل معافیت
اولامایا جقلرینی ادعا ایدیور . فقط بونلر ایلمچینک منسوب اولدیغی دولت طرفندن صرف بو
ایش ایچون تعیین واعزام ایلمش لرمعاشرلرینی اودولت بودجه سندن المقدہ بولنش لری ایسه
بونلرک صفت رسمیه لری اولمادیغی و سفارت مأمورین رسمیه سندن بولنما دقلرینی قبول ایتمک ده
پاک مشکلدر . اکثر مؤلفلر قسطاس اولق اوزره بو بابده دولتلری طرفندن صرف بونلر
ایچون ، مملکتلرندن اعزام ایلمش بولنق و معاشرلری طرف دولتن تسویه ایلمک خصوصلرینی
ذکر ایله یو حالده بونلرک مأمورین رسمیه دن عد ایلملرینی و معافیتدن استفاده ایلملرینی
قبول ایدرلر که بین الملل مناسبانده راجح اولان شکل متعاملده بودر . هله بونلر سفارتدن
ویریلن دیپلوماتیک لیسته یه ادخال ایلمش لرم و دولته ده اوصورتله قبول ایلمش لرسه آرق
ترده هیچ محل یوقدر . لکن راهب و طیب ایلمچی طرفندن صورت خصوصیه ده کندی
خدمتی ایچون تعیین ایلمش لری ایسه بونلر مأمورین رسمیه دن دکدرلر . اکثریا سفارتلرده

(۱) اتاشه میلترلر ایلمچینک مأمور بولندیغی محله تسلیحاتی و نکملاتی تعقیب ایچون اک اول اوستریا
روسیا و روسیه طرفندن تعیین اولنش لردی ۱۸۶۰ ده درکه فرانسه ده بواژه امتثال ایتمی .

[۲] لکن بونلرک دیپلوماتیک لیسته یه ادخال متعامل دکدر .

برجوق بویله طیب و راهبر واردر. بونلرطیشاریده وظیفه دار اولدقلری جهته سفارتده کی خدمتلی عارضیدر. و مظهر معافیت اولملرینی مؤدی هیچ بر سبب یوقدر، بونلر قضائی معافیتدن بحق استفاده ایده مزلر. دها طوغریسی بونلرک وضعیتی مأمورین غیر رسمیه قسمنده عرض ایدله جک تفصیله تابعدر.

شیمدی انکلیر سفارته منسوب اولوب بر خانمه تجاوز ایتدیکندن طولای صلیح محکمه سنده دعواسی رؤیت اولنان و تبریه ایدیان انکلیر راهبک وضعیتنی تعیین ایده بیلیر. راهب انکلیر تبعه سندنر، سفارتخانه راهبیدر و انکلتره دولتی طرفندن بو صورتله تعیین و اعزام ایدلمشدر. قیدینه دسترس اولناماقله برابر وقتیه ویرلش اولان دیپلوماتیک لیسته ده اسمک مندرج اولمسی ده پک محتملدر. شو حالده محکمه مزک راهبک علیهنده کی دعوائی استماعه کنندیسنی صلاحیتدار عد ایتسی و راهبک اقامتگاهنه - سفارتخانه خارجنده اولماقله برابر - جلب تبلیغ اولمسی حقوق دولده راجح اولان رایه و متعامل اولان صورتله کوره اصولسزدر. نته کیم حکومتز راهبک بو بایده معامله متقابله انکلتره دولتنجه قبول ایدلمک شرطیه معافیتدن استفاده سنی ترویج ایتش و انکلتره ده بونی قبول ایتش و مسئله بو صورتله حل اولمشدر. (۱)

قوربه لرکه - بعض مهم و محرم رسمی مخبراتک حکومت طرفندن ایلچییه ویا ایلچی طرفندن خارجه وکیلنه محلی پوسته سنه تودیعاً ارسالنده محذور کورولدیکی احوالده بو مخبراتی بالذات ایصالده قوللانیلان مأمورلردر - بونلرک اصولاً پساپورطی حائر اولملری حالنده شخصلری و نقل ایتدکلی اوراق اعتباریه یالکز کیتدکلی مملکتده دکل کچدکلی مملکتده دخی مصونیت و معافیت امتیازندن استفاده لری متعامل اولدیگی کی مترجم و ترجمانلرکده مأمورین رسمیه سفارتدن اولملری حالنده بو معافیتدن استفاده ایتملری لازم کلیر. محلی تبعه دن اولوبده بعض اوراق ترجمه ایتک اوزره سفارتخانه یه کیدن و خارجنده اخرایشلرله ده اشتغال ایدن کیمسه لرک معافیتنی طانیق ایچون سبب یوقدر.

(۱) پارس - سفارتی اماملغنده بولان برارقداشمز کندیسنک نعوم پاشانک - سفارتی زماننده اماملغی ذکر ایدلمیه رک دیپلوماتیک لیسته یه آتاشه دیه ادخال ایدلمش اولدیغی بالاخره رفعت پاشانک امام دیه ذکر ایتکی التزام ایتسی و کندیسنکده بونی قبول ایتمه سی اوزرینه دیپلوماسی لیسته یه ادخال ایدلمکی نقل ایلشمشدر. اگر سفارتخانه جه امام دیه کوسترلشه ایدی فرانسه نک کندیسنی ده دیپلوماسی امتیازلردن استفاده ایدنلر میانده قبول ایده جکی شبهه سزدی.

۴ - مأموریه رسمیه نیک کنبدلرله مقیم افراد عائله سی ده جزائی معافیتدن استفاده ایدر. موریس تراورس وده پانیه بولا مخالف اولمقه برابر محاکم مقرراتی و مؤلفلرک بیاناتی بو خصوصده متبع به اولمسی لازم کلن برتعامل تأسیس ایتشد. ایلچیلرک افراد عائله سی حقنده عرض ایدیلن مطالعاتی بوزلر حقنده ده قبول ایتمک لازم کلیر. سن محکمه سندن سفارت کاتب و اتشه میلترلرینک عائله لرینک معافیتی حقنده صادر اولمش مختلف مقررات واردرد: ایلچینک معیت رسمیه سی ایله عائله سی آراسنه فرق احداثه، هرا یکی حالده دخی آیری فقط متساوی اولارق حکومتلرک استقلال و حیثیتلری موضوع بحث اولمسنه بناء محل اولدیغنه قرار ویرلشد.

۵ - غیر رسمی مأموریت. هر سفارتك برده غير رسمى مأمورين ويا مستخدمينى دارد: سفيرك خصوصى كاتبى، راهبى، طبیبى، ترجمانى، چوچقارلارك معلملرى و مربيه لرى، مهتر دولتى، شوفرلرى و ارايه جيسى، آشجى باشيسى، اوشاغى خدمتچيلرى. بونلرده حقوق دولك حمايه سنده درلر لكى بونلر حقه دهده معافيت قضائيه طائىق لازم كليرمى؟ بو، نظرياتده چوق مختلف صورتده مطالعه ايدىلش اولان بر مسئله در. ديپلوماسى امتياز و معافيتلرني يالكلز قبول ايتدين مؤلفلره كوره دكل بونلرى ترويج ايدن بر قسم مؤلفلر ايچون ده بونلره بوا امتياز و معافيتلرى تشميل ايچون هيچ برسبب يوقدر. بونلره كوره ايلچينك نه فرد صقيله ذاته مخصوص مخبرات و معاملاتى ايفا ايدن كاتب و طبينك نهده آشجى ويا خدمتچيسنك توقيف و محاكمه سى كنديسى وظائف مأموريتنى بحق ايفادن منع ايدر. ايلچينك ذاته لازم اولدقلرى جهته استراحتى و حيثيتى ايچون بونلره ايشلمه مسى لازم كلديكى حقه دهكى مطالعه قيمتسردر، بر خدمتچى يرينه دائما ديكرى بولنه بيلير و بونلر وظيفه نك ختامنده انك هيچ دهده معاونى دكللدر. بو مطالعه يه مبنى بونلرك جزائى قضا فعافيتندن عدم استفاده سنى اصل اولارق قبول ايتك لازمدر. بعض دولتلرده بويله حركت ايدرلر. لكى عموماً جارى اصول بونلدر.

اکثر مؤلفان بو غیر رسمی مأمور لک ایلچینک تبعه سندن اولملری [۱] و سفارته حصر

(۱) تابعیت مسئله‌سی ده‌پایه و مهربنیاق باشقه باشقه نقطه نظر دن محاکمه به اساس اتحاد ایدیورل ده‌پایه به کوره مجرم الحاق محلی تبعه‌سندن اولدیقی تقدیرده درکه بحق محلی محاکمه تابعدر محلی تابعیتده دکلکه حقتده تعقیبات ایفامی ایلچینک مساعده‌سنه منوط اولاجننه متمایلدیر. مهربنیاقه نظراً معافیت

خدمت ایتلمری حالندہ معافیت امتیازندن استفاده ایتلمری قبول ایدرلر : ایلچی جرمہ مطلع اولنجه بونلری خدمتندن چیقاریر یاخود بالذات تسلیم ایدر - که بوصورتله حرکت ایتمک مجبوریته معنویه سنده در - ارتق بونلری محاکمه ایتمک ممکن اولور . یاخود مملکتنه بونلری سوق ایدر . بوصورتله مسئله حل اولور . بونلردن هیچ برینی یا پامامسی حالندہ غیر رسمی مستخدمینی محلی تبعه دن ایسه لر ویا دیگر دولت تبعه سندن ایسه لر بونلرک محلی محاکمه تابع اولملرینی قبول ایتمک لازم کلیر . یا لکز تراکه توقیف لرنندن ده ایلچی به معلومات ویرمک اقتضا ایدر . اکثریا دولترجه قبول ایدیلر ده بودر .

اگر بویکسه لر ایلچینک معیت غیر رسمیه سنی تشکیل ایتیمورسه یعنی اورایه حصر خدمت واوراده اقامت ایتیمورلر ایسه ایستهر اجنبی ایستهر یرلی اولسونلر بونلرک بر دونه امتیاز و معافیتندن استفاده به حقلمری اولاماز . مثلاً کونده بر ساعت سفیرک جو جغه مملکتک معلم لرنندن بری کلوب درس ویرور ایسه ، سفیری ویا معیتی افرادندن برینی مملکتک برطیبی کلوب تداوی ایدیورسه بونده سفارته اختصاص افاده ایدن هیچ برشی اولمادیغی جهتله بونلر علی العاده افراددن معدوددرلر بویجی دها ای تنور ایچون بعض مؤفلرک مطالعاتی نقل ایلیه لم :

پرا دیه فوده ره دیپلوماسی حقوقی درس لرنده دیورکه :

ایلچی خدمتچیلرینک اقامت ایتدکلی مملکت قوانین جزائییه سنه اساس اعتباریله وبالظروره تابع اولمادقلمری ومأمورین رسمیه کی ایلچینک تمثیل ایله دیکی دولتک محاکم جزائییه سنه تابع بولندقلمری کلی وبلا خلاف اولمامله برابر عمومیتله تین ایدلمکده در . فقط بومعافیت بر سفارته صرف کیف ویا بر قازانچ فکر یله مربوط اولوب سفارته هیچ بر خدمتله مکلف اولمایان واوراده بر وظیفه سی بولنمیان اشخاصه شامل اولامایه جنی کی ایلچینک خدمتنده بولندقلمری ادعا ایتمکه برابر حقیقتده آکا هیچ بر خدمتله مربوط بولنمایان و آندن

انجاق ایلچینک منسوب اولدیغی دولت تبعه سندن اولانلره مقصوددر . چونکه ایلچینک انجاق بونلر حقددرکه معافیتی مشرابع کوستره بیلجهک بر محبتی تصور اولنه بیلیر . قارنارزا آماری ایسه بلافرق تابعیت بالجمله غیر رسمی معیت ایچون معافیتی تشریع ایدیور . کذلک معافیتی فرانز موضوعات قانونیه سنه کوره غیر رسمی معیت خلقی ایچون رد ایدن مورس تراورس ده دیپلوماسی معافیتک حکمت وجودی دولتله دولت اراسنده کی مناسباتدن متولد مطالعات اولق اعتباریله معیت غیر رسمیه به معافیت طائنه جق ایسه بونک بلافرق تابعیت طائمنی لازم کله جکئی التزام ایدیور .

مستقل اولان کیمسه لرده شامل اولاماز [۱].
بر ایلچینک، منسوب بولندیی دولت تبعه سندن اولان خدمتجیلری طرفندن برجنجه
ویا جنایت ارتکاب ایلدیکی وقت معاصر تعامل مجرملری توقیف ایتدیروب لاجل الحاکمه
کندی مملکتته کوندرمه ایلچی نی صلاحیتدار کوستریور. اجنبی دولت مأمورلری معیت
اشخاصندن برنی ایلچی به لاجل التسلیم ویا آنک منسوب اولدیعی دولته لاجل الارسال توقیف
ایتمکله خارج ازمملکت اساسی اخلاص ایتزلر؛ بالعکس بو صورت حرکتله ضمناً آنی
تصدیق ایتش اولورلر. فی الحقیقه توقیف عدالتک اجرایی خصوصنده ایلچی به معاونتندن
باشقه برمقصده معطوف دکدر.

ایلچی، تمثیل ایتدیکی دولت تبعه سی اولان مظلونی ایستهر خدمتندن چیقاروق
صورتیه فعلاً محلی محکمه لک قضاسنه ترک ایدر، ایستهر آنی طوغریدن طوغری به محلی
محکمه لری نه تسلیم ایدر. غیر رسمی مأمورلرک معافیتی فی الحقیقه ایلچینک معافیتک کندیلرینه
بر تسمیلندن باشقه برشی دکدر. اگر اونلر قضای محلیدن استثناییدیلورلر ایسه بوایلچینک
اونلرک خدمتندن محروم اولماسی ایچون در وکندی منفعتنه مستنددر. شوخالده اونلرک
معافیتنه نهایت ویرمک تماماً آنک دلخواهنه تابعدر.

اگر مظلون آنی استخدام ایدن ایلچینک مقیم بولندیی مملکت تبعه سندن ایسه
بومملکتده قضای محلیدن معافیت ادعا اولنه بیلریم؟ بوخصوصده کرک نظریاتده کرک امثال
عدلیه ده قرارسزلق وارددر. بونکله برابر، مظلون خدمتجینک محلی محاکمک قضاسنه ترک
ایدلسی صورتی ترجیح ایدلمش کورونیور. چونکه ایلچینک بونک اوزرنده هیچ برقضا
صلاحیتی یوقدر وکندی مملکتک محکمه لری معرفتیه ده آنی محکوم ایتدیره مز. بوندن
باشقه مظلون، افندیسنک زدیینه ترخیص ایدلیدیکی دولت تبعه سندن اولدیعی تقدیرده طبیعی
اولان محلی صلاحیت قضائیه نک خصوصیه اهیتده بر خدمت رابطه سنه تفوق ایتسی
خصوصی بدیدار برشیدر. مظلونک آخر بر دولت تبعه سندن اولدیعی تقدیرده باشقه هیچ
بر رده محاکمه و محکوم ایدلمسنه احتمال اولماق اعتباریه معافیتدن استفاده ایده مه می
بالا اولایهدر.

بوتون بویضاحات غروچیوسک نظریه سنه همان موافقدر. غروچیوس دیور که «سفیرلرک
افراد معینی واشیاسی ده کندیلرینه کوره مقدسدرلر. فقط بواشخاص وبواشیا آنحق تبعاً

[۱] صوک فقره بلونچاینک تقنین ایدلمش حقوق دولتک بر ماده سیدر.

وبناءً علیه آنجق سفیرك ایسته‌دیکي مدتجه مقدسدرلر . بو سببه اکر معیت خلق بعض آغیر جرملر ارتکاب ایدرلرسه اونلرک تسلیمی سفیردن طلب اولنه‌بیلر .

ایلچینک غیر رسمی معیتنی اقامت ایتدیکي محل مأمورین عدلیه‌سنه ویا مأمورین ضابطه‌سنه تسلیم ایتدیکي اکثریا واقعیدر ؟

بونده دیپلوماسی مأمورینک فرط دقت و نزاكتله نظر دقته المی لازم کلن بر رویت و درایت و ملی حیثیت مسئله‌سی واردر . مونسترووستفالیه قونفره‌لرنده مختلف دولتلرک مثللری کندی معیتلرنده کی اشخاص اراسنده تحدت ایده‌کلن منازعه و مجادله‌لره : نهایت ویرمک ایسته‌دکلرندن بونلری محلی ضابطه‌سنک حکمنه تسلیم ایتمکی قرارلاشدیرمشلردی . بو ایکی عصری متجاوز بر زمان اول واقع اولمشدی . و تمادی تعرضلره نهایت ویرمک ایچون بو پک ایی برطرز حرکت ایدی . فقط زمانزده بو قیل رذالتلر اندردر ؛ ایلچیلر معیت خلقنک جرم ارتکاب ایتدیکي واقع اولسه‌ده بونلر منفرد وقعه‌لردر و ایلچیلرک حقارندن واز کچملری ایچون ارتق اوقدر سبب یوقدر .

شبهه‌سز که معافیتلری و بونلرک نتایجنی چوق ایلری کوتورمک تهله‌کیدر . فقط صفت عامه‌نک نفوذینی و حیثیتنی متروک نظریه‌لره ضعیفه‌تمکده‌ده آرز حقیقی اولیان برتهله‌ک واردر . پینه‌یروفره‌زارانک و معاصر ایتالیا و بلچیکا حقوقشناسلری مکتبنک قویدقلری مبدائلر منحصراً حکمران اولورلرسه ، بو شیمدی‌یه قدر قوتک سؤ استعمالنه قارشنی مدار صیانت اولش اولان بوتون قاعده‌لری و بوتون تعامللری یوق ایتمکه منجر اولاجقدر . دیپلوماسی مأموری ، قاعدهً و حقوقنی محفوظ بولندیرمق ایچون ، اجنبی دولتک جزا قانونلرینه قارشنی حائز بولندیغی معافیه رعایت ایتدیرمیلدر و بونی هم کندیسینک هم‌ده کندی نزدنده بر موقع استتغال ایدن ویا کندیسنه خدمت ایفا ایدن شخصلرک حسابنه یایلمیلدر . دیگر طرفدن ایلچینک نزدینه ترخیص ایدلمش اولدیغی دولتک‌ده ایلچینک معیتی طرفندن کندی اراضیسنده ارتکاب ایدیلن جنحه و جنایتلری کندی محاکمه تابع طوتمق خصوصنده غیرقابل اعتراض بر صلاحیتی واردر . حقوق دول دولتلرک حریتنه و شرفنه آنلرک مثللرینک شخصنده رعایت ایدلمسنی آمر ایسه بعض فردلرک ارتکاب ایتدیکلری افعالک جزاسز قالمسنی‌ده تجویز ایتیز .

علاوه ایدم که بر مملکتک مأمورلری بر سفارت مأمورین غیر رسمیه‌سنی تشکیل ایدن اشخاصی جرم مشهود حالنده موقتاً توقیف ایتدیرمک صلاحیتنی دایماً حائزدرلر . فقط وقعه‌نی

در حال سفارته اخبار ايتمك و توقيف ايدىلن شخصى ايلچينك امرينه تابع طومتق مجبوريتنده درلر .

خلاصه غير رسمى مأمورينك مواد جزائيه قضا معافيتى مسئله سنده نه نظرياتده نه تطبيقده اطراد يوقدر و ايلچيلر معتبرى خلقى ايچون بونى عموميتله ادعا ايتمكده اولمقله برابر بونك حقوق قضا معافيتندن دها آز طائمش اولديغنى تبين ايتمك لازمدر . بوخصوصده دها زياده بين الملل معاهده لرله حل مسئله ايدمك وبويله معاهده لر يوقسه خصوصى تعامللره كوره حركت ايتمك لازم كليز .

معافيت ماهيتى اقتضاسنجه صفت رسميه ايله سفارته مربوط اولان بوتون ذواتى مطلقا وبلا تحديد حمايه ايدر و اياچى بونلرك معافيتندن ده صرف نظر ايله مز . فقط سفارته برصفت عامه اولقصرين منسوب اولان اشخاص حقتنده شبهه محل واردر . تكرار ايدرم بو مقالوى حقوق ايله ويا خصوصى تعامللره حل ايدلمسى لازم كن برقطه در وبوتون احوالده بو ، ايلچى ايچون برويت و درايث مسئله سيدر ، اونك زدينه ترخيص ايدلمش بولنديغى دولت ايچونده بر تراكت مسئله سيدر .

تطبيقده دولترك طرز حركتك ايلچيلرك غير رسمى معيته قارشى جزائى قضا معافيته دها زياده مساعد بولنديغنى اثبات ايدمبيله جك مختلف وقعهلر نقل ايدلمشدر . بوكا مخالف امثالده وار ايسه ده برنجيلر بونلره عددجه پك زياده غالبدر .

باويرا الكتورينك انكلكره قرالى نژدنده كى ايلچيسى قونت هارلانك بر اوشاغى ۱۷۵۱ ده افراددن برينك شكايى اوزرينه ايلچيه خبر و يرلمه دن ضابطه طرفندن توقيف ايدلمشدى . كرك ضابط كرك مشكى قوئندن علنا وزانو بزمن اولارق عفو طلب ايتمك مجبوريتنده قالديلر . ۱۷۵۲ ده روماده اوپرانك قاپوسنده پورتكيز ايلچينك اراياجى ايله اوراده نوبتده بولنان عسكرلر آراستده بر قوغا چيقدى وبونك نتيجه سنده اراياجى فنا بر معامله ايله قره قوله كوتورلدى . اراياجينك افنديسك صفتندن خبردار اولان قره قول ضابطى اراياجى نى همان بر اقدى وكن وقعهدن طولايى اياچيه عرض معذرته شتاب ايله دى . پاپا بوضورتله ويريلن ترضيه نك كافى اولمادىغى ذهابتده بولنديغندن كرك قوماندانى و كرك عسكرلرى توقيف ايتديردى . ايلچى بونلرك سربشت بر اقمسى ايچون مراجعتده بولنديغندن پاپا قوماندانه والى ايله برابر سفارتخانه يه كيدهرك واقع اولان حرمتسزلكدن طولايى لايق اولان ترضيه نك عرض ايدلمسى امر ايتدى .

۱۸۱۲ ده پروسیاده کی باویرا ایلچیسنک اوشاقلرندن بری دیکرینی سفارتخانه خارچنده اولدیردیکندن ایاجی قاتلی سفارتخانهده توقیف ایتدی . پروسیا حکومتی قاتلک پروسیا تبعه سندن اولماسنه استناداً محاکمہ یی باویرا مأمورلرینه ترک ایتدی . ۱۸۱۶ ده روما پولیسی روسیه نك پاپازدنده کی مثلنک خدمتنده بولنان بر شخصی توقیف ایتدی . مثلک پروستوسی اوزرینه اکی ضابط کلوب کنديسنه عرض معذرت ایتدیلر .

ایکی مثال که دها یکیدرلر : ۱۸۸۷ ده رومانیا ده کی روسیه سفارتی اسپرلرندن بری بکرشده ایقاع ایدیلن برقتلن طولانی توقیف ایدلمشدی . بکرش ضابطه سی بوشخصک روسیه ایلچیسی موسیو هیترو وونک خدمتنده بولندیغنی یلمدیکندن انی برقاچ ساعت القیومش فقط براجنی دوات مثلنک خدمتنده بولندیغنی اوکره تنجه همان تخلیه ایله مشدی . ایاجی بو توقیفده ضابطه نك غیر لایق بر صورت حرکتی واقع اولدیغنی فکرنده بولدیغندن رومانیا خارجه نظارتنه اولدجه شدتلی تعبیرات ایله شکایتده بولندی وبوخصوصده ایضاحات ویرمک اوزره نزدینه کلن پویس مدیر عمومیه سی قبول ایتدی . بونکله برابر ، بالاخره حکومتندن آلدیغنی تعلیمات اوزرینه ده اشلافکار برطرز حرکت اتخاذا ایتدی . وحادثه باشقه بر نتیجه تونید ایتدی لکن اسپر ایچون معافیت ده طانندی . ۱۸۸۸ ده پروسیا مجلس مبعوثانک کشادی کوتی فرانسه بویوک ایلچیسی برلنده مجلس تشریعی یه کوتورن ارا باجی بعض محللرده یاواش کیدلمسی ایجاب ایدن پولیس نظامانه مخالف حرکتده بولدیغندن وحتی آتلی توقیف ایتمک ایسته ین بر پولیس چاوشنه برقرباجده اندیغندن محکمه حضورینه جلب اولنه رق التمش مارق جزای نقدی یه واون ایکی کون حبسه محکوم ایدلی . شوقدرکه ارا باجی آلماندی و حقیقتده براربا کراجیسنک خدمتنده ایدی . محکمه ، اعلامنه بروجه زیر فقره یی درج ایلدی : مضمون کنديسی ده اعتراف ایتدیکی وجهله آیلغنی سیور طوبردن المقده در : بناء علیه بونک خدمتده دیمکدر . فقط فرانسه بویوک ایلچیسنک مستخدمیندن بولنش اولسه بيله خارج از مملکت حقوقی ادعا ایله مز ایدی . چونکه بوتقدیرده دخی اصل معیتدن اولماوب ایلچینک یالکز خدمتکاری اولدیغندن المان تابعیتنده بولنسی اعتباریله تشکیلات عدلیه قانونی احکامنه توفیقاً ینه محاکم محلیه نك حق قضاسنه تابع اوله جقدی . » بوحکم ، جزائی قضا معافیتی ایلچینک اوشاقلرینه ویرمک ایسته ین مدعیاتی تایید ایدیجی بر ماهیتی حائر در (۱) .

رویه بروجهر بیان مطالعه ایدور : « غیر رسمی مستخدمینه کلنجه بونلرک معافیتی ایلچینک معافیتک شمولندن باشقه برشی دکلدر. انلرک خدمتندن محروم قالماسی ملاحظه‌سنه مستند و کندی منفعتی ایچوندرکه کندی خدمتکارلری معاف طوتولمقدردر . بناءً علیه بونلرک معافیتنه نهایت ویرمک کندی اختیارینه تابعدر .

قاعده عمومی اولارق شو وضع اولنه‌بیلیرکه بونلردن بری بر جرم ارتکاب ایتدیکی تقدیرده توقیف اولنه‌بیلیر فقط افندیسی اولان دیپلوماسی ماموری در حال خبردار ایدملیدر [۱]. اگر مجرم آنک دولتی تبعه‌سندن بری ایسه امرینه تابع طوتیلاجقدر و دیپلوماسی مأموری ده یا مجرمی کندی خدمتندن قوغاچقدر و بوضورتله آنی فعلاً محاکم محلیه ترک ایتمش اولاجقدر و یا خود آنی لاجل المحاکمه کندی مملکتنه کوندره جکدر اگر مجرم مأمورک وطنداشلرندن دکلسه مختلف مملکتلرک تطبیقات و قانونی موضوعاتی بوبابده تخالف ایدور . بعض مملکتلرده معافیت طانمش دیکرلرنده رد ایدلشدر . شبهه‌حالنده محلی دولت تبعه‌سندن اولان مجرم ایچون بو معافیتی رد ایتک معقول کورینیر . چونکه ملی و محلی حق قضانک صلاحیت طبیعیسی خصوصی ماهیتده بر خدمت رابطه‌سنه تفوق ایتک ایجاب ایدر . بو اگر مأمورک مملکتنده محاکمه ایدلک ممکن اولمایان اوچنچی بر دولت تبعه‌سی ایسه‌ینه عمومیته معافیت علپنده بونلملیدر [۲] .

ده‌پانییه و بوکه نظراً و تعامل عمومیده دیپلوماسی امتیازلرینک جمله‌سی ایاجینک عائله‌سنه بوتون معیت رسمیه‌سنه و حتی معیت خصوصیه‌سنه و اوشاقلرینه‌ده تشمیل ایدلکدهدر ؛ بونکله برابر چوق مؤلفلر دیپلوماسی مأمورینک خدمت خصوصیه‌سندن بولنان اشخاصک تابعیتنجه کنديسینک تمثیل ایتدیکی دولته منسوب اولملرینی و هیچ اولماز ایسه امتیازلرک بونلری انجاق سفارتخانه‌ده حمایه ایتلرینی طلب ایدرلر .

لوتر دیورکه حقوق دولجه بوبابده مهم اولان نقطه شودرکه ایلچینک رسمی معیتی و افراد عائله‌سی تماماً دیپلوماسی امتیازلرندن استفاده ایدرلر .

بلجیقالی ارنست نیس غیر رسمی معیتک معافیت امتیازندن استفاده‌یه هفی اولمادیغنی

[۱] حقوق دول دول انتیتوسی مصونیت امتیازندن استفاده ایدن اشخاص میاننده غیر رسمی معیتی صراحة ذکر ایتشدر: مصونیت امتیازی .. ثالثاً غیر رسمی معیتی تشکیل ایدن بالجله اشخاصه، بونلر ایلچینک اقامت ایتدیکی مملکت تبعه‌سندن اولدقلری تقدیرده بو امتیازدن انجاق سفارتخانه‌ده استفاده ایتلری قید احترازیسی ایله ، شاملدر .

[۲] حقوق دول مبدلاری ۱۸۹۶ جلد ۱ صحیفه ۴۹۲

ذکر ایله ایلچینک امتیازینک بونلره شمولنه متدائر ریویه نك بالاده منقول افاداتی نقل ایدیور [۳] مارتنس امتیازک توییعی و تشمیلی خصوصنک دیپلوماتلری افراد ایشلریله مشغول ایده جکی جهتله موافق اولمیه جنی مطالعه سنده بولنیور [۴] بون فیس و پول فوشیلده غیر رسمی معیتک معافیت امتیازندن استفاده سی طرفدارلری کورنیمورلر . موریس تراورس بین الدول حقوق جزائی سنده هپ اختلال بیاننامه سنک قوته استناداً بونلرک معافیتدن استفاده سی علیهنده بولنیور و بونک قاعده عمومیه مخالف اولقله برابر فرانسز موضوعات قانونیه سنه موافق یکانه صورت اولدیغنی ادعا ایدیور . قالووده بروجه زیر مطالعه در میان ایدیور :

اصل رسمی مأمورینی تشکیل ایدن مستشارلر کاتبلر و آتاشلر کی سفارت هیئتک متمماتندن اولان اشخاص ایله غیر رسمی مأمورین یعنی خصوصی کاتب سفارتخانه مستخدمینی اوشاقلر کی ایلچینک خصوصی دائره سنک منسوبیتی تشکیل ایدن اشخاص آراسنده بر فرق تأسیس ایتک ضرورتی واردر . بونلرک هرا یکی ده حقوق دولک حمایه سی آلتنده درلر و یا ایچی به بخش ایدیلن امتیازلردن بعض مرتبه حصه داردرلر . چونکه ایلچی وظائفک ایفاسی امرنده کندی طرفندن استخدام ایدیلن اشخاص مناسبته راحتسز و اندیشه ناک ایدیله بیلر ایسه و بواشخاص منحصر آکندیسنه تابع بولنماز ایسه آنک استقلال تام اولامیه جنی بدیداردر .

رسمی معیت ایله غیر رسمی معیت آراسنده کی فرق بوراده درکه کندیسی حس ایتدیرمکه باشلار . غیر رسمی معیتی تشکیل ایدن اشخاص حقده، بونلرک دیپلوماتی امتیازلره شخصی برکونه حقلری اولماق اعتباریله مواد جزائی ده قضای اجنبی به متابعتلرینی طلب ایلیه بیلیمک نا قابل اعتراضدر . آنجق جرم سفارتخانه داخلده ارتکاب ایدلمش ایسه ایلچینک نزدینه ترخیص ایدلدیکی حکومت، سفارتخانه اجنبی طورانگی کی عد ایدلدیکی جهتله مجرمک تسلیمینی طلب ایلیه مز . فقط جنجه و یا جنایت سفارتخانه خارجنده ارتکاب ایدلمش ایسه تأدیب مأمورین محلیه به راجعدر .

بونسلکه برابر بوکا مخالف قرارلرک امثالی واردر . ۱۸۱۲ ده برلینده باویرا سفیرینک اوشاقلرندن بری دیکرینی سفارتخانه خا جنده اولدیردی . ایلچی قاتلی سفارتخانه ده توقیف

[۳] حقوق دول، مبدأل نظریه لر حادثلر ۱۹۱۲ ایکنچی جلد صحیفه ۴۴۹

[۴] حقوق دول ۱۸۸۳ ایکنچی جلد صحیفه ۸۷

ایندی و پروسیا حکومتی مجرمک پروسیا تابعیتند اولامسنه استناداً تأدینی باویرا
مأمورلرینه برآدی .

... فقط هیچ برشی خارج از مملکت قاعده سنک ایلیچینک اقامت ایتدیکی محله متولد
مستخدمینی طرفندن ارتکاب ایداش جنجه و جنایتلره تطبیق ایدلمسینی مشروع کوستره مز.
ایلیچی ، بونلر اوزرنده برکونه حق تضایی حائر اولمادیغی کی آنلری کندی مملکتی
قانونلریله ده محکوم ایتدیره میه جکندن بونلری خدمتندن چیقارمق و محلی محکمه لرك حکمنه
ترك ایتک مجبوریته معنویه سنده در [۱] .

بلونچلی تقنین ایدلمش حقوق دولنک ۲۱۲ نجی ماده سنده بروجهری اساسی وضع ایدیور:
« ایلیچینک خدمتچیلری ، آنک ترخیص ایدلدیکی مملکت تبعه سنندن اولدقلری احوالده
دخی اقامت ایتدکلی مملکت جزا قانونلرینه تابع دکادرلر و ایلیچینک معیتی کی آنک تمثیل
ایله دیکی مملکت قوانین جزائییه سی حکمنه تابعدرلر . نوط اوله رق علاوه ایلدور : بوراده
عدلی تعقیباتک باشلادیغی تاریخی نظر اعتباره آلمق لازمدر . حقوق دولدن نشأت ایدن
معافیت ، مظنون ا کر حقیقه ایلیچینک خدمتنده ایسه تعقیباتی حاله کوره منع ویا تعویق
ایله جکدر .

جزایوندن اورتولان دخی اساساً طرفدار اولماقلا برابر بین الدول تعاملک اولجه
ایلیچیلرك موافقتی آلتادجه معیتلری خلقنک تعقیب اولنسنه مساعد بولمادیغی علاوه ایدیور .
غیر رسمی معیت خلقنک مصونیت امتیازندن استفاده ایده بیله جکنی تصریحاً ذکر ایدن
حقوق دول انستیتوسی معافیت بحثنده بونلری ذکر ایتمه مشدر .

هال خدمتچیلر حقنده شبهه در میان ایدیور هالده خدمتچیلرك تابعیتی مسئله سنده هیچ
بر تفریق یا پیور و مواد انضباطیه ده بونلر حقنده ، بالذات ایلیچی طرفندن ایی وقوی سببلره
بناءً طلب واقع اولمادیجه بلاتردد معامله یه توسل اولنه بیله جکنی قبول ایدیور .

بعضه محاکم مفراتی — فرانسه محکمه تمیزندن ۱۸۵۲ ده صادر اولان قرار
غیر رسمی معیت خلقنک معافیدن استفاده ایده جکنی مؤید کورنمکده در : « ایلیچیلرك
کوندردکلی مملکتلرده و طیفه لرینک سربسته جه ایفاسنی حمایه ایدن و محلی
قضادن شخصی استقلاللرینی تأمین ایله یین معافیتلر ، ایلیچیلرك تمثیل ایتدکلی .

حکومتلردن هیچ بر وظیفه‌لری اولیان وکندی ارزولرینه انلرک خدمتنه کیرمش اولان افرادہ [ایلچیلر بوافرادی محاکم عادیہ تسلیم ایتلرک آرزوسنی اظہار ایتدیلر] مرتبہ سائل اولاماز. بوقرار، موریس تراورسک دیدیکی کبی، شو صورتله خلاصہ اولنہ بیلیر. دیپلوماسی معافیتی سفارت مأمورلری مستخدمینہ فی‌الاصل شاملدر. فقط ایلچیلر عندالحاجہ بونلرک بو معافیتدن استفادهلرندن صرف نظر ایایه بیلیر. لکن عین محکمہ تمیزک ۱۸۶۵ تاریخلی برقرارنده بو نقطہ نظر دها تحدیدی بر صورتده افاده ایدلدی: معافیت استقلالی حمایه ایدلرک ایستہ نیلن ایلچیه واکا تابع اولقله برابر عین صفت عامه‌یی حائز اولانلره منحصردر.

اولجه نقل ایتدیکم المان تشکیلات عدلیه قانوننک ۱۸نجی ۱۹نجی ماده‌لری دیپلوماسی معافیتدن ایلچیلرله برابر بونلرک «خدمتندہ بولنان شخصلرکده المانیا تابعیتندہ اولدقلری حالده» استفاده ایدہ جکلرینی تصریح ایتکده در. ۱۸۸۸ ده فرانسز سفیرینی پروسیا مجلس مبعوثاننک افتتاحی کونی مجلسه کوتوریرکن پولیس نظامتنه مخالفتدن طولای محکمہ‌جه محکوم ایدیلن آراباجی طوغریدن طوغریه سفیرک آراباجیسی اولماقله برابر المان تابعیتندہ بولنق اعتباریله درکه محلی محکمہ‌سی کنديسنی صلاحیتدار عد ایتدی. بالاده نقل ایدیلن محکمہ حکمی حقوقي مسئلہ‌یی تمامیلہ حل ایدرک صادر اولمشدر.

اوستریانک اسکی جزا قانونندہ دخی ایلچینک منسوب اولدینی دولت تبعه‌سندن اولان خدمتچیلرک محاکم عادیه‌يه تابع اولمیه جکلرینه دائر صراحت وارددر. رومانیا دخی دیپلوماسی معافیتک سفارت خدمتندہ بولنانلره شامل اولدینی قبول ایتش کورینور. پرادیه فودره‌نک ذکر ایتدیکی روس سفارتی اسپرینک روس سفیرینک طلبی اوزرینه تخلیه‌سی بونی کوسترر.

واسع نظریه بالخاصہ انکلتره و امریقاده درکه اک زیاده تطبیق اولنیور: انکلترده قرالیچه آن زماننده بر روس سفیرینک توقیفی اوزرینه صادر اولان ۱۷۰۹ تاریخلی قانون احکامی بونی میندر.

بقانون کرک ایلچیلرک وکرک بونلرک مستخدمینک و اوشاقلرینک توقیف ویا حبس اولنہ بیله جکلری بالجمله دعاوینک کان‌لمیکن عدایدیله بیله جکلرینی اعلان ایتکده در. ۱۹۰۶ ده آمریقان سفارت کاتبنک شوفوری علیهنده فضله سرعتدن طولای اقامه ایدیلن دعوانک

تعقیدن بوقانونی تطبیقاً در کہ فراغت اولندی . [۱]

متحد آمریکا دولترنده ایسه ره ویزت ستاتونک ۴۰۶۳ و ۴۰۶۴ نجی ماده لری اجنبی بردولتک بوصفله قبول ایدلش اولان هر ایلچینک ، هر خدمتکار و اوشانک توقیف ویا حبس اولتلری ویا بونلرک اموال و املاکنه حجز وضع ایدلمی تقدیرنده بومعامله نك کآن لم یکن عد ایدیه جکنی تصریح ایله برابر بوقبیل معامله بی تعقیب ویا اجرا ایدن هر شخصک ملتر قانونی اخلال و صلح عالمی افساد ماسندن طولانی اوج سنه حبسه و محکمه جه تقدیر ایدیه جک بر جزای نقدی به محکومیتی ده تین ایله مکده درلر .

ایتالیاده مستخدمینک تابعیتنه نظراً بفرق قبول ایدلش کبی کورینیور . ۱۸۸۱ ده روما محکمه تمیزی المانیا سفیرینک ایتالیا تابعیتنده بولسان ارا باجیسی علینه بر پولیس مأمورینه قارشی تجاوزده بولنسدن طولانی محکومیتی متضمن اولارق صادر اولش اعلامی تصدیق ایدی . ۱۸۹۴ ده قولومیا سفیرینک آرا باجیسی ده ناپولی اولق اعتباریله جزای نقدی به محکوم اولدی . بونکله برابر ۱۹۰۸ ده آمریکا متحد دولتری سفیرینک ، علینده تعقیبات جزایده بولیلان شوفوری حقتده مستنطق مدعی عمومینک طلبنه امتثالاً مظنونک وظیفه سنه استناد ایلهرک منع محاکمه قرار ی ویدی .

بومطالعات و بومثالدن صوکر ا بزی علاقه دار ایدن حادثیه رجوع ایده لم . امریکا سقارتنده امیرال بریستولک خدمت خصوصیه سنده بولنان بر آمریقایی (بونک سقورپیون کمیسنه منسوب برچاوش بولنسی اعتباریله بوراده بر محاکمه یوروتمکه لزوم کورمیورم . بویحث ایلریده کله جکدر) سفارت خارجنده بر جرم ارتکاب ایدیور . مجرم تورک مأمورینی طرفندن دردست و توقیف اولنیور . محلی محکمه لری بونی محاکمه و تجزیه به صلاحیتی وارمیدر ؟ عجباً حکومتز و محکمه لر من ناصل حرکت ایده جکلردر ؟

برکره تفصیلاً نقل ایدیلن مطالعات و امثالدن اکلاشیدیعنه نظراً غیر رسمی معیت خلقی حقتده حقوق دولک نه نظریاتنده نه تطبیقاتنده مطرد و واجب التطبيق بر قاعده یوقدر . هر نه قدر نظریات ده تطبیقات ده غیر رسمی معیت خلقی ، ایلچینک نزدینه ترخیص ایدلدیکی مملکت تبعه سندن ایسه لر بونلرک ده زیاده محلی محکمه لره تسلیمنی مؤدی کورینیور و تمثیل ایله دیکی دولت

[۱] بونکله برابر انکترده ده بوکا مخالف بر مثالده واردر . ۱۸۲۷ ده امریکانک لوندره سفیری موسیو فالانتیک ارا باجیسی سفارتخانه خارجنده واقع اولان بر جرمندن طولانی انکتره حکومتجه قضای محلی به تابع طوقولنی ایسته نشدر .

تبعه سندن ايسه لر بونلرک محلی قضايه متابعتی ایلچینک انلری تسلیم ایتسنه ویا خدمتندن اخراج ایلهمسنه تابع طوئیور ايسه ده بونک متبع به بین الملل برقاعده ماهیتنده اولمامسنه مبنی دولته ولومتبارز ماهیتده اولان بوتمايله امثاله بالطبع بر مجبوریته یوقدر. دیگر دولترله بوبابده عقد ایدلمش مقاوله ویا صورت تسویه لرده اولمادیغندن دولت خط حرکتی بو خصوصده تماميله سربستهجه تعین ایتک موقعنده در.

شوحالده مسئله بر طرفدن محاکمک سربستهجه اجتهادینه دیگر طرفدن حکومتک اختیار ایلیمه چکی صورت حرکتیه باغلیدر. محکمه لر مزک بو خصوصده صورت حرکتی بزم ایچون امثال عدلیه تشکیل ایلیمه چک ایلک حادثه اولمق اعتباريله مهم اولدیغی کبی حکومتک طو تاجنی یولده دیگر مملکتلرده سفارت مستخدمینمزه قارشى تعقیب اولنه چق معامله نك اساسی اوله جغندن پک زیاده دقت واعتنا ايله اتخاذ ایدلمی لازم کن برقرار قارشینده بولندیغمزی ظن ایدیورم. معامله متابله شرطی حکومت مزجه اتخاذ اولنه چق صورت حرکتک ضروری لوازمندن اولدیغندن حکومت بو خصوصده کند. مأمورلری حقنده عین صورته معامله ایتکی قبول ایدن دولت ایلچیسنک غیر رسمی میتنی قضای محلی به تابع طو تمانی انک موافقته ویا خدمتندن اخراجنه می تعلیق ایتلی یوقسه طوغریدن طوغری به محاکمک صلاحیت نظامیه سنی بونلر اوزرنده اطلاعاتیه جریانمی ایتدیرمیلدر؟ بر کره شبهه یوق که بوبابده اتخاذ اولنه چق قراری الهام ایدم چک ملاحظه حکومتجه دیگر مملکتلرده کی سفارتلر مزک غیر رسمی معیتی خلقنه مسامحه کارانه بر معامله تأمین ایتک قضیه سی اولاماز. عدالت و دولتک امنیت و منفعتی صیانت فکریدر که بوبابده عامل اولاجقدر. بوراده کی سفارتلر مأمورین غیر رسمیه سنک دولتک امنیت و اسایشنی استهداف ایدن جرملر ارتکاب ایتسنه قارشى قوه زجریه دولتک معطل طور منی عدالت نقطه نظرندن ترویج ایتک بالطبع امکانشدر. فقط سیاسی منفعت ملاحظاتنک بوجرائی محلی محاکمه محاکمه ایتکدن حاصل اولاجق نائجه تقابل ایدم بیلوب ایدم میه چکی ده بحق جای تردد. محلی محاکمه لرده غیر رسمی اجنبی معیت خلقنک زجرو تأدیندن ایکی دولت مناسباتنک متأثر اولایلیم می فکریدر که حقوق دولده ده متبارز اولان تمایلی تولید ایتمشدر. شوحالده اکر ایلچی مجرمی مملکتنه تسفیر ایدر و مملکتی قانونلری اوجرمدن طولایی مجرمی محاکمه و تجزیه به مساعد بولنور ايسه بو خصوصده اجنبی معیت غیر رسمیه می قضای محلی به تابع طو تمامق ویا بو متابعتی ایلچینک موافقته تعلیق ایتک ملایم کبی کلور ايسه ده هنوز قاپیتولاسیون

اصولدن چيقدىغمىز بدورده مجرمله قارشى عدالت احكامىك تطبيقى شدتله ايسته ين افكار عموميه نك بوبابده الى باغلى طور منى ترويج ايدى بيله چكى ده شايان نظر در. قرارهنوز معلوم اولمادىكى ايچون بوبابده ده زياته معامه يوروتمكه محل كورمىورم . (۱)

جزائى قضا معافيتك مدنى جزائى قضا معافيتك شخص اعتباريله تابع اولدىنى تحديدلر بختده تدقيق ايدلسى لازم كن صوك برمسئله واردركه اوده بومامورىنك قضا معافيتندن نزماندن اعتباراً نه وقتهدر استفاده ايدى چكلىرىنك تعيينيدر .

ديپلوماسى امتيازومعافيتلرى جمله سندن اولان جزائى قضا معافيتك حكمت وجودى ديپلوماسى مامورىنك وظيفه لى استقلال ايله ولايقيله ايفا ايدى بيلملىرىنى تأميندن ومنسوب اولدقلى دولتك شرف وحيثيتى هر درلو خللدن صيانتدن عبارت اولمق اعتباريله حقوقاً ، معافيتك، ايلچينك صفت رسميه سى زدينه ترخيص ايدلىكى دولته طاندىنى وكنديسنىك، ايفاي وظيفه به باشلادىنى تاريخدن جريانه باشلامسى لازم كلىر . بوده اعتمادنامه سنى اصولاً دولت رئيسه تقديم ايتدىكى زماندر .

فعلاً ، بومعافيتكده مصونيت امتيازى كى زدينه ترخيص ايدلىكى دولت اراضيسنه قدم باصدينى تاريخدن باشلامسى قبول ايدىلرده واردر. از جمله مهرينياق بوفكرده در . چونكه ايلچى ايلچينك حامل اولدىنى پساپورط كندى صفتنى ده اول تعينه كفايت ايدر. لكن اساساً اوملككده مقيم ايكن ايلچيلكه تعيين ايدىلن ذاتك معافيتى هر حالحه ايفاي وظيفه به صلاحيت كسب ايتدىكى تاريخدن باشلامق لازم كلىر . ايلچيدن غيرى اولان مامورىنده بومدت ايلچينك بونلرك تعيينى ويا ايفاي وظيفه به باشلادقلىنى تبليغ ايتدىكى تاريخدن باشلار. عائله افرادى منسوب اولدقلى ذاتك وضعى تعقيب ايدر. غيررسمى معيت افرادينه معافيت طانه جق ايسه اونلرايچونده وظيفه به ابتدارتاريخى مبدأ اولور. بونلرده بربايغه واصوله لزوم كورلمه مش ايسه مدتك مبدئى تعيين مسئله سى صرف فعلى برمسئله اولور . بونلركده كيفيت استخدامى پوليس مديريتجه قيد ايدلك اوزره تبليغ ايدلك معتاد ايسه تبليغ تاريخى اساس اتخاذا ايدىلير .

مبدائى بوضورتله تعيين ايدن معافيت نه وقتهدر دوام ايدر؟ بونك منطقى جوابى وظيفه نهايت بولدىنى تاريخه قدردن عبارت اولمق لازم كلىر. لكن بوضورت ، امتيازى فى الاصل نظرى وخیالى برمايته ارجاع ايدر. ايلچى به امتيازك تام براميت ويرمى لازم در. بوسيله بوفكر قبول ايديله مز.

[۱] هيئت وكيله غير رسمى معينك معافيت امتيازندن عدم استفاده سنى اخيراً قبول ايتدى .

ايلچينك معافيتي مأموريتي ختام بولديني تاريخه قدر دكل، مشر ومفيد اولاييلمسي ايچون بالضروره [۱] حدودي كچمسي ايچون مقتضى تاريخه قدر دوام ايدر. فقط فعلاً حدودي كچنجهيه قردكل. چونكه ايلچينك مثلاً بعدالانفصال احوال فوق العاده دن طولاني بولديني رده اقاتي ترجيح ايد بيلمسي احتمالي واردر. بوتقديرده على العاده اجني بر شخص صفتيه مقيم بولنديني مملكتده ينه ديپلوماسي امتياز ومعايطرندن دوام استفاده سي لازم كليركه بو فكر امتيازك حكمت وضعنه منافي اولق اعتباريله رد ايدملك لازم كلير. بون فيس وبول فوشيل ايلچينك مأموريتنه سكتنه ونهايت ويرن سبب نه اولورسه اولسون صفتنه مربوط اولان معافيتك حدودي كچنجهيه قدر دوام ايتمسي لازم كله جكني سويليورلر ايسه ده بومعايتك ختامي ايچون تاخير عزيمتي حالنده ايلچينك حدوده قدر سوق وايعال ايدلمسني ايجاب ايدر كه موافق دكلدر.

مأموريتي ختام بولدقدن وحدودي كچمسي ايچون مقتضى مدت مرور ايتدكدكن صوكر اينه اولديني رده اقامت ايدن سابق اياچي حقنده برفكره كوره على العاده افراد كي هر درلو دعوا اقامه اولنه بيلير.

ديكر بر فكره كوره بعدالانفصال عليهنده وظيفه مأموريتنه متعلق خصوصاتدن طولاني ينه دعوى ايديله مز. موريس تراورس برنجي فكرك شدتله مروجيدر. چونكه معافيتك حكمت وجودي استقلال ايله ايفاي وظيفه يي تأميندر، دولتك حيثيتي خلل دن صيانتدر. مادام كه ايلچي آرتق وظيفه حالنده دكلدر ودولتك حيثيتي علاقه دار ايد بيله جك تمثيلي صفتي قالماشدر. عليهنده دعوا اقامه ايدلمه مسي نه دن لازم كلسين؛ لكن حقوق دول انستيتوسى بونك خلافي قبول ايتمشدر. انستيتونك قلمبريجده قبول ايتديكي نظامنامه لايحه سنك ۱۴ نجى ماده سنده دينوركه معافيت وظائف مأموريتك ايفاسنه تعلق ايدن دعاويده وظيفه دن صوكراده دوام ايدر. بونلره تعلق ايتمه دن دعاويده ايسه معافيت آنجاك دظيفه مذ كوره ك دوامى ائناسنده درميان اولنه بيلير. فى الحقيقه وظيفه نك استقلال ايله ايفاولنه بيلمسي بعدالانفصال ايلچي عليهنه مأموريتنه متعلق خصوصاتدن طولاني دعوا اقامه ايديله مسي ايله تأمين اولنه بيلير.

[۱] اعلان حرب ايله برابر ايلچينك معافيتي نهايت بولاجق اولسه كندينه اصل بوشاده وظيفه سني لايقيه ايفا ايد بيلمسي ايچون بخش ايدلمش اولان امتياز لردن، ارتق استفاده ايدمه جكني دوشونه رك، ايلچي مملكتك منافعي محافظه ايدمه جك برانديشهيه دوجار اولاييلير. بوسيله اعلان حرب ايله برابر دكل معافيت اعلان حربدن صوكراده ايلچي مملكتي ترك ايدنجهيه قدر عموميتله دوام ايدر.

اوجنچی بر دولت اراضیسنده دیپلوماسی مأمورینک معافیتدن استفادهیه صلاحیتی وارمیدر؟ معافیتی وظیفه نك استقلال ایله تأمین اجرایی ایچون بالضروره قبول ایدلمش بر امتیاز عد ایدنلره کوره اوجنچی دولت اراضیسنده بر کونه صفت تمثیلیه سی اولمایان وایقای وظیفه حالنده یولنمایان بر مأموره بو معافیتی طانیق بالطبع قابل دکلدر . شو قدارکه اجنبی بر دولتك تمثیلی صفتنی حائر اولدینی جهتله و منافع عمومیه دیپلوماسی سربستیسنی مؤدی و دولترك یکدیگرینه حرمت متقابلهلری ده بلالزوم بومعامله نك اخلاص ایدلمه مسنی مستلزم بولندینی جهتله کنديسنه تراکت و حرمتله معامله اولنور . بر قسم مؤلفلر واردرکه مصونیت امتیازندن دیپلوماسی مأمورینک اوجنچی دولت اراضیسنده دخی استفاده سنی قبول ایدر . فقط بونی قضا معافیتنه قدر تشمیل ایتدیرمز لر . کیمی بومعافیتی آغر جرملر ایچون دکل بوماهیتده اولمایانلر ایچون قبول ایتک طرفداریدر . منطقه دوشونولور ایسه دیپلوماسی مأمورینک اراضیسندن کچدیکی دواتده برکونه تمثیلی صفتی اولمادینی جهتله کنديسنه اوراده معافیت طانیق ایجاب ایتمز . فی الحقیقه بین الدول تراکت ایجاباتی بونی مسلزم اولدینی سویله نیلر بر حقیقه تماس ایدیورلر ایسه ده بین الدول تراکت حقوق بخش ایتمز . نته کیم هفتبر اراجنبی دیپلوماتنک اوجنچی بر دولت اراضیسنده ارتکاب ایتدیکی جرمدن طولانی تعقیب و محکمه یه جلب اولنه بیله جکنی صراحتله ذکر ایتکده در .

بونکله برابر بوکا مخالف حکملر واردر . مثلاً سن محکمه سنک وپارس محکمه سنک ۱۸۹۹ و ۱۹۰۱ تاریخی قرارلرنده دیکر بر دولت نزدینه کوندیریلن اجنبی دیپلوماسی مأمورینک فرانسه ده یالکز لاجل المرور بولنمایوب مقیم بولنسی حالنده معافیتک ختام بولاجنی کوسترلمشدر . کذلک رومانیانک اساساً فرانسه ده مقیم بولنان روما باش کابتنک فرانسه نزدینه ترخیص ایدلمه مش اولمواقبتاریله فرانسه ده دیپلوماسی معافیتدن استفاده ایدمه یه جکنه سن محکمه سنجه ۱۹۱۷ ده قرار ویرلمشدر . نته کیم فرانسه حکومتی ۱۹۰۰ تاریخنده بوجهتی صراحتاً قبول ایتشدر . المانیا ولی عهدینه تووازدن دور نشانی کوتورمکه مأمور ایدیلن دوق وه راغا المانیان عودتنده برقاج کون پارسده توف ایتش ایدی . دوقک علیهنده واجب الاجرا براعلامی اولان برامور نافع متعهدی انک اشیاسی اوزرینه بر حجز اجرائی وضع ایتدیردی . دوق اسپانیا سفیرینه مراجعت و شکایت ایتدی . فرانسه خارجیه ناظری سفیرک مراجعتی اوزرینه تمامیه عمومی ماهیتی حائر اولان شو مقرراتی اتخاذ ایتدی: اجنبی مملکتده وظیفه سنی

ایفا ایتک ویا حکومتنه معلومات ویرمک ایچون فرانسه طوپراغندن کچن دیپلوماسی مأموری فرانسه نزدیکه ترخیص ایدلش دیپلوماسی مأمورینه تمثیل ایدلک و بناءً علیه محلی قضادن مستثنا طوتلاق لازم کایر.

حالبوکه ۱۸۵۲ ده مادریده کیتک ایچون فرانسه دن کچمک ایستین بر آمریکا سفیری جقنده اوزمان خارجیہ ناظری بولتان دروی دولویز بونک فرانسه ایچون انجاق علی العاده بر فرد اولدیغی سویله مشدی . هر حالده اوچنچی بر دولت اراضیسندہ اینچینک اوراقنک مصونیتی عمومیتله قبول ایدلشدیر .

دیپلوماسی مأموری حکومتک اذنیله کندی ویامعیتی ویاعائله سی افرادینه عائد معافیتدن صرف نظر ایدوب محلی محکمه لرندہ محکمه سی اجرا ایدلیکی تقدیرده لاحق اولان حکمک اجرایی کیمه عائددر؟ قالویہ کوره لاحق اولان حکمک محلی مأمورینی معرفتیه اجرایی جائز دکلدیر . موريس تراورس صادر اولان حکمک اجراسنه منجر اولمایاجق تعقیبات جزائیہ نك معناسی اولامایاجقندن وعدم اجرا حالندہ - محکومک حاضر اولدیغی احوالده - آسایشی خللدار اولان دولتک نفوذ وحیثیتی مختل اولاجقندن بحثله بوفکری قبول ایتیمور .

محمد جمیل

« حقوق دول مدرسی »

